

Tong yulduzi

Vatan yagonadir,
Vatan bittadir!

N:14 (67179)
2018-yil 2-aprel

www.tongyulduzi.uz

Gazeta 1929-yil 1-avgustdan chiqa boshlagan O'zbekiston Respublikasi bolalar va o'smirlar gazetasi ISSN – 2010-6092

Senga hozir javobim,
Nur taratgan oftobim.
Bayramingni qutlayman,
MENING AZIZ KITOBIM!



Aziz o'quvchilar!

«ONAJONIM TABIAT»

insholar va rasmlar tanloviga marhamat!



Jonajon yurtimiz tabiati, atrof-muhit, yer va suv resurslarini muhofaza qilish, ekologiya yaxshilash kabi ezgu ishlarda Siz aziz o'quvchilar faolligini oshirish, ekologik ta'lim-tarbiyani shakllantirish, shu bilan birga, yoshlar qalbida ona tabiatga yanada mehr uyg'otish maqsadida:

O'zbekiston Ekologik harakati, O'zbekiston Respublikasi Xalq ta'limi vazirligi hamda O'zbekiston Respublikasi bolalar va o'smirlarning «Tong yulduzi» gazetasi hamkorligida «Onajonim tabiat» an'anaviy insholar va rasmlar tanlovini o'tkazadi. Tanlov

shartlari quyidagilardan iborat:

1. O'zingiz yashab turgan mahalla, qishloq, tuman, shahar tabiati, ekologik muammolari hamda ularni bartaraf qilishga doir fikr-mulohazalaringiz asosida insho, mavzuga oid chizilgan rasmlar (insholar hajmi 3 qog'ozdan oshmasligi lozim).

2. Siz tahsil olayotgan maktab qoshidagi «Yosh tabiatshunoslar» to'garagi faoliyati haqida qisqacha ma'lumot.

Qadrl! tabiatsevar o'g'il-qizlar! Tanlovda faol ishtirok etishga shoshiling. Ijodiy ishlaringizni 2018-yilning 15-may sanasiga

qadar quyidagi manzilga yo'llang:

Toshkent shahri, Navoiy ko'chasi, 30 uy.
Indeks: 100011

e-mail: info@tongyulduzi.uz.

Qo'shimcha ma'lumotlar uchun telefon, faks: (0-371) 244-63-08

«Onajonim tabiat insholar va rasmlar tanloviga» deb yozishni hamda siz bilan bog'lanish uchun telefon raqamingizni ko'rsatishni unutmag.

G'oliblar diplom va homiy tashkilotlarning esdalik sovg'alari bilan taqdirlanadi.

O'zbekiston bo'ylab sayohat

unutilmas taassurot, hayrat, maroqli hordiq...

O'zbekiston Respublikasi Prezidentining 2018-yil 7-fevraldagi «Ichki turizmni jadal rivojlantirishni ta'minlash chora-tadbirlari to'g'risida»gi Qarorini biz o'qituvchilar ham zo'r mamnuniyat bilan kutib oldik.

Dam olish kunlarining 5 kun etib belgilanishi esa nur ustiga a'lo nur bo'ldi. Biz o'qituvchilar ana shu imkoniyatdan oqilona foydalanib, 19-21-mart kunlari Andijon - Samarqand - Buxoro yo'nalishida sayohatga chiqdik. Qishlog'imizdan yo'lga chiqar ekanmiz, farovon va to'kin hayotda yashayotganligimizning sababi yurtimizdagi tinchlik, xotirjamlik ekanligiga shukronalar aytdik.

Ilk manzilimiz Buxoroning Poyi Kalon Ansambli bo'ldi. Bu yerdagi go'zal va betakror binolarni ko'rgan odam borki, ajdodlarimizning aql-u zakovatiga yana bir bor tasannolar aytdi. Labihovuz majmuasida V asrga guvoh bo'lgan daraxtlar, purviqor, hashamdor, betakror ranglar jilosida jilvalanayotgan binolarni ko'rib, hayratga tushdik. Har bir qadimiy qadamjodan olam-olam taassurotlar, ruhiy quvvat oldik.

Navbatdagi manzilimiz esa go'zal va navqiron Samarqand shahrining Imom al-Buxoriy ziyoratgohi bo'ldi. So'ng, Go'ri-Amir, Shohi Zinda, Bibixonim, Registon majmualarini ziyorat qildik. O'zbekiston Respublikasi Birinchi Prezidenti Islom Karimovning mangu oromgohini uzoqdan ko'riboq, ko'zim yoshlandi. Zinalardan ko'tarilayotib, nigironlar aravasida yaqinlari yordamida yuqoriga ko'tarilayotgan 70-75 yoshlardagi ayol bilan suhbatlashib qoldim. Bilsak, onaxon Farg'onadan kelgan ekan. O'g'li orzusini so'rasa, Islom Karimov

qabri ziyoratiga olib boringlar, debdi. Biz ham o'sha ayol va uning yaqinlari bilan Islom bobo ruhi pokiga tilovat qildik. Safarimiz davomida Namangan, Farg'ona, Surxondaryo, Qashqadaryo, Xorazm va Sirdaryodan kelgan o'qituvchilarni uchratdik. Ular bilan dildan suhbat qurdik. Ziyoratdan

Hujjatda Vatanimizni barqaror ijtimoiy-iqtisodiy rivojlantirishning eng muhim omillaridan biri sifatida ichki turizmni jadal rivojlantirish, fuqarolarni mamlakatimizning madaniy-tarixiy merosi hamda tabiiy boyliklari bilan tanishtirish ko'zda tutilgan. Shu bois, «O'zbekiston bo'ylab sayohat

homiyligida 20 nafar o'quvchi Samarqand, Buxoro shaharlariga olib borildi. Ular qadimiy va ko'hna kentlardagi Naqshbandiy va uning onalari ziyoratgohi, «Ark» tarixiy majmuasi, Minorai kalon, Labi-hovuz dam olish maskanlari, Samarqanddagi Imom al-Buxoriy, Hazrati Dovud ziyoratgohlarini



qaytar ekanmiz, yurtimizdagi madaniy boyliklarni qadrlash, kelajak avlodga bus-butunligicha yetkazishimiz kerak ekanligini yana bir bor his etdik.

**Ma'muraxon
MAMATRAHIMOVA,
Andijon viloyati, Xo'jaobod
tumani XTB uslubchisi,
Diloromxon IMINJONOVA,
5-umumta'lim maktabi
boshlang'ich sinf o'qituvchisi,
Zulfizarxon MULLABOYEVA,
26-umumta'lim maktabi
boshlang'ich sinf o'qituvchisi**

qil!» ichki turizmni rivojlantirish dasturini amalga oshirish bo'yicha amaliy chora-tadbirlar rejasi ham tasdiqlandi.

Qarorga muvofiq maktabimiz o'quvchilarining bo'sh vaqtlarida yurtimizning tarixiy shaharlari bo'ylab sayohatlari tashkil etilmoqda. Yaqinda ota-onalar

zavq-u shavq bilan tomosha qilib, boy taassurotlarga ega bo'lishdi.

**D. ASTANAQULOVA,
Surxondaryo viloyati, Denov
tumanidagi 81-umumta'lim
maktabining ma'naviy-ma'rifiy
ishlari bo'yicha direktor
o'rinbosari**

SHU AZIZ VATAN BARCHAMIZNIKI!

**O'zbekiston
yoshlar ittifoqining umumiy o'rta
ta'lim maktablaridagi boshlang'ich tashkilotlari
ittifoqning maqsad-vazifalarini ta'lim muassasasi miqyosida
amalga oshiradigan, o'quvchilar va yosh o'qituvchilarni
o'z atrofida birlashtiradigan, ularning manfaatlari va
huquqlarini himoya qiladigan tuzilma hisoblanadi.**

O'zbekiston yoshlar ittifoqi va uning qoshidagi «Kamalak» bolalar tashkiloti hamkorlikda sardorlar kengashi a'zolari faoliyatini qo'llab-quvvatlash, ularda yoshlar bilan ishlash ko'nikmalari, ijodiy, intellektual, yetakchilik va tashabbuskorlik qobiliyatini rivojlantirish hamda erishgan yutuqlari va ilg'or tajribalarini

ommalashtirish maqsadida respublika «Eng namunali maktab sardorlar kengashi» tanlovi tashkil etildi. G'ijduvon tuman 8-IDUMI «Yangi oy» (New moon) maktab jamoasi bellashuvlarning hududiy bahslarida faol ishtirok etib, viloyat bosqichiga yo'llanmani qo'lga kiritdi.

Tanlovning ushbu bosqichida ishtirokchi jamoalar turli shartlar bo'yicha o'zaro bellashdi. Yuqori ball to'plab, ustozlari bergan bilimlarni munosib himoya qilgan «Yangi oy» jamoasi mutlaq g'olib bo'lib, tanlovning respublika bosqichiga yo'llanmani qo'lga kiritdi.

FAOL SARDORLAR



**Toshkent viloyati, O'rta Chirchiq tumanidagi 5-umumta'lim
maktabining 9-sinf o'quvchilaridan Yodgor Musurmonov, Xumora
Boqiyeva, Husniya Musurmonova va Muslima Mirahmedova eng
faol sinf sardorlari Kengashi a'zolari sanaladi.**

YOSHLAR ITTIFOQI PARTASI

Prezidentimiz tashabbusi bilan tashkil etilgan O'zbekiston yoshlar ittifoqi o'z oldiga yuksak maqsadlarni qo'ygan.

Jumladan, uyushmagan yoshlar bilan ishlash tashkilotining asosiy vazifalaridan biridir.

Yaqinda yurtimizdagi barcha umumta'lim maktablarida Yoshlar ittifoqi partasi tashkil etildi. Bu partani tashkil etishdan asosiy maqsad, uyushmagan yoshlarning bilim salohiyatini oshirishdan iborat. Partada bir nafar a'lochi va bir nafar fanlarni o'zlashtirishga qiynalayotgan o'quvchi o'tiradi. Bu orqali sinfdagi bilimi orqada qolayotgan bolalarning tengdoshlariga tenglashib olishi ta'minlanadi.

Nafisa QURBONOVA,
Toshkent viloyati, Piskent tumanidagi
17-umumta'lim maktabining 9-«A» sinf o'quvchisi

MO'YOQALAM SEHRI

Namangan shahridagi 82-umumta'lim maktabining yosh rassomlari turli mavzularda mahorat bilan rasmlar chizib, tengdoshlari havasini orttirmoqda.



Namangan shahridagi 82-umumta'lim maktabining 6-«V» sinf o'quvchilarining rang tasvir ishlaridan namunalari.

Maktabning «Yosh qalamkashlar» to'garagida 30 nafardan ziyod iste'dodli yosh musavvir mashg'ulotlarni ustoz Shahnoza Kamoliddinova boshchiligidan olib bormoqda. Ular tomonidan chizilgan rasmlar kishiga

zavq beradi. Bolalarning ijod namunalari jamiyat hayotiga rahna solayotgan illatlar o'ziga xos tarzda tasvirlanadi. Ayniqsa, o'quvchilarning «Hayot kushandasi», «Qora changal»,

«Yashash zavqi» mavzularidagi chizgan rasmlari shahar hamda viloyat miqyosida o'tkazilayotgan turli tanlovlarda yuqori baholanmoqda. Ayniqsa, to'garakning faol a'zolaridan Xayriniso Mirxanova, Mohinur Ibrohimova, Mahmudjon kabilarning ishlari e'tirofga munosib. Ular Namangan viloyati miqyosida tashkillangan «Giyohvandlikka qarshi kurash» oyiligidan o'z rasmlari bilan ishtirok etib, sovrindorlar qatoridan joy egalladi.

Ayni paytda to'garak a'zolari bahor ayyomiga bag'ishlab turli mavzulardagi kompozitsiyalar, rasmlar ishlash harakatida. Biz ularning ijodiy ishlariga parvozlar tilaymiz.



OILA DAVRASIDA O'QING

OTA-ONANGIZ BIR KUNDA SIZGA QANCHA VAQT AJRATADI?



Kechagidek esimda, bolaligimda onam bilan uzoq suhbat qurardik. Garchi dugonalarim ko'p bo'lsa-da, eng yaqin sirdoshim, maslahatgo'yim onam edi. Otam esa hamisha mening orzularim, rejalarim haqida qiziqardi. 9-sinfda o'qiyotganimda birinchi hikoyam «Tong yulduzi» gazetasida chop etilgan. O'shanda otam gazetani sinchiklab o'qib chiqqach, meni duo qilgandi. Shu fursatda ota-onamga ularning e'tibori-yu mehridan cheksiz minnatdor ekanligimni aytmoqchiman.

Ana shunday yorug' yuz bilan bugun siz aziz o'quvchilarga ham «Ota-onangizning e'tibori, mehridan qanchalik mamnunsiz?» degan savolni bermoqchiman. Zero, ularni juda yaxshi ko'rishingizni, ota-onangizga berajak savollaringiz ko'p ekanligini yaxshi bilaman. Aslida, siz ham ular hayotining mazmunisiz. Shunday emasmi?

Davronbek SIDDIQOV, Toshkent viloyati, Qibray tumanidagi 16-umumta'lim maktabining 9-sinf o'quvchisi:

– Maktabni bitirish arafasidaman. Oldimda kasb tanlashdek mas'uliyatli vazifa turibdi. Bu haqda ota-onam bilan ko'p suhbatlashamiz. Ular mening qiziqishlarimni jon qulog'i bilan tinglaydi, yo'l-yo'riq ko'rsatishga harakat qiladi. Boshlang'ich sinfda o'qib yurgan paytimdanoq otam dars tayyorlashimga katta e'tibor qaratgan. Onam esa maktabimizda bo'ladigan har bir tadbir va bayramlardagi ishtirokimni nazorat qilardi, ularda o'zi ham ishtirok etardi. Qolaversa, akam ham har bir masalada menga yordam berishga tayyor. Men esa 2-sinfda o'qiyotgan singlimning dars tayyorlashiga yordam beraman. Kechki ovqatda bo'ladigan oilaviy suhbatimizni esa juda yaxshi ko'raman.



– Onam ko'p vaqtini menga ajratadi, – deydi quvonch bilan poytaxtimizning Shayxontohur tumanidagi 59-DIUMning 3-«F» sinf o'quvchisi Madina TURSUNBOYEVA.

Bolalar – jamiyatning hayotbaxsh kuchi.

ketmaysiz-a, men sizni juda yaxshi ko'raman», dedim. Ular ham meni bag'riga bosganida, mehr-u e'tiboridan yayrab ketdim.

Aziz o'quvchim! Bu mavzu yuzasidan sizda qanday fikr-mulohazalar bor? Ota-onangizga dilingizdagi qaysi gaplaringizni yetkazishni istardingiz. Bu haqda bizga, albatta, yozib yuboring.

Sayyora QODIROVA

TABIAT MO'JIZALARI

**Turkiston tizma tog'larini bir-biri bilan bog'lab
turuvchi Zomin tumanining Supa devonidan doimo
salqin shamol esib turadi.**

Pastlab suzayotgan bulutlar tarqalib, moviy osmon ko'zga tashlanadi. Yashillikka burkangan do'lana, bodom, yong'oq va tog' lolalari g'oyat go'zal manzara hosil qilgan. Xuddi musavvir chizgan suratdek har qanday tabiat oshuftasini o'ziga rom etadi.

Biz G'allaorol tumanidagi 16-umumta'lim maktabi o'quvchilari bilan yuqoriga ko'tarilganimiz sayin archazorlar quyuqlashib borardi. Havoda qanot qoqmasdan suzib yurgan yirik qushlar ko'zga tashlanadi. Burgutlar ov vaqti o'tkir ko'zlariga tayanadi. Turnalar tovushlar orqali aloqa qiladi.

Bahor elchisi - boychechak endi bo'y ko'rsatmoqda. U o'n-o'n ikki kun gullab turadi. Keyin chinnigul, nilufar va binafsha gullari ochiladi. Ular asalarilarni nektar bilan ta'minlaydi.

Zomin tabiati boy va xilma-xil. Bir necha kun avval yoqqan yomg'irdan so'ng tevarak-atrof yanada ko'rkamlashib, maysalar avj olib o'sa boshlagan. Pastda

esa toshdan toshga bosh urib, O'rikli soydan oqib o'tuvchi tezoqar anhor suvi shovullaydi. Bu ko'l va muz suvlaridan paydo bo'lgan. Uning hayotbaxsh suvlaridan barcha bahramand.

Yurtimizga janubdan uchib kelgan qushlar sayrog'i bir dam ham to'xtamaydi. Sohilga yaqin joyda qorayaloq, qirg'ovul, loyxo'rak kabi qushlar hozir-u nozir. Kakku, kaklik va bulbullar xonishi tog'-u tosh uzra taraladi. Qushlar mayda ozuqalarni topib yeydi.

Biz sayohatimiz davomida Pesho-g'or va Teshiktosh g'orlariga ham duch keldik. Qirg'iz, qizketgan, uch opa-singil qoyalari haqida mahalliy aholidan turli rivoyatlarni bilib oldik. Qisqasi, tabiatning boy va xilma-xilligi hamda uning g'aroyib mo'jizalaridan beixtiyor lol qolasiz. U joylarni kezgan kishi necha ming yillik tarixni varaqlagandek bo'ladi.

**Abdulla SAIDOV,
Jizzax viloyati**

**Dilafro'z
Qudratova Naman-
gan viloyati, Pop tuma-
nidagi 7-bolalar musiqa
va san'at maktabining
fortepiano sinfida
tahsil oladi.**

ISTE'DODLI YOSHLAR SARDORI

Bolaligidan san'atga mehr qo'yan qizaloq hozirda mashhur bastakorlarning musiqalarini ham maromiga yetkazib ijro eta oladi. 67-umumta'lim maktabining 8-sinfida ta'lim olayotgan o'quvchi tengdoshlari orasida o'zining odobi, namunali xulqi, jamoat ishlaridagi faolligi bilan ajralib turadi. Ta'lim maskanining yoshlar ittifoqida u «Iste'dodli yoshlar» bo'limi sardori sifatida faoliyat yuritadi. Dilafro'z nafaqat sozanda, balki jarangli ovozi bilan qo'shiq ham kuylaydi.

— Qizimdagi san'atga ishtiyoqni u to'rt-besh yoshidayoq sezganman. Doimo oila davrasida ashula aytib berar, oynayi jahon orqali yaxshi qo'shiq namoyish etilsa, darrov raqsga tushib ketardi. Keyinchalik qizimni musiqa maktabiga olib bordik. Natija chakki bo'lmadi, — deydi onasi Yulduz opa. — Shu kungacha ustozlari Farida Shodmonxo'jayeva ko'magi bilan «Kamalak» yulduzlari bolalar ijodiyoti festivali va Zulfiyaxonim tavalludining 100 yilligiga bag'ishlab o'tkazilgan «Zamonamiz kuychisi» respublika ko'rik-tanlovida 1-o'ringa sazovor bo'ldi.

— Qo'shiq aytish jon-u dilim, — deydi Dilafro'z. — Musiqa maktabini yakunlab, kelajakda san'at oliygohida o'qishni davom ettirmoqchiman. Ustoz san'atkorlar singari ozod va obod yurtim — O'zbekiston madhini katta sahnalarda baralla kuylamoqchiman.

Namangan bag'rida yana bir iste'dod g'unchasi yuz ochmoqda. Ulkan maqsadlarni ko'zlagan yosh san'at shaydosining orzulari ro'yobga chiqishiga ishonamiz.

Nozima JAVHAROVA

ORZUBEKNING ORZUSI BISYOR

Tug'ilishdanoq parvozga shay bo'lish eng oliy baxtdir.
ARISTOFAN



Jizzax viloyati, Mirzacho'l tumanidagi 8-umumta'lim maktabining 1-«A» sinf o'quvchisi Orzubek Jasurov iqtidorli o'quvchilardan. Uning qanday qobiliyat egasi ekanligiga qiziqayapsizmi? U 100 gacha bo'lgan sonlarning qo'shish va ayirish amallarini bir zumda og'zaki tarzda ayta oladi. Bundan tashqari, kitob o'qishni yaxshi ko'radi. Shu bois bo'lsa

kerak, she'rnlarni bir o'qishda yodlab oladi.

Orzubek jamoat ishlarida ham faol. U sinf sardori, «Kamalak» bolalar tashkiloti yetakchisi. A'lo baholarga o'qiydigan Orzubekning rasmlarga qarab yozgan hikoyalarini nafaqat sinfdoshlari, balki singlisi E'zoza ham berilib tinglaydi.

— Orzubekning faol bo'lishida ota-onaning farzandi tarbiyasiga e'tibori, oila — maktab hamkorligi alohida o'rinni tutadi, — deydi sinf rahbari Gulnora Xalilova. — Unga sinfda barcha havas qiladi. Yaqinda u O'zbekiston yoshlar ittifoqi tomonidan o'tkazilgan «Shu aziz Vatan barchamizniki!» deb nomlangan tadbirda dadasining «Sardor bo'laman» nomli she'rini yoddan aytganda, ko'pchilik uning xotirasiga qoyil qoldi. Shuningdek, Prezidentimizning kitobxonlikni targ'ib qilish borasidagi aytgan fikrlaridan yanada ruhlanib, kitob o'qishga, bu yaxshi odatni sinfdoshlari orasida targ'ib qilishga astoydil harakat qilyapti. Qolaversa, Shiroq, Amir Temur, Jaloliddin Manguberdi, Sharof Rashidov, Islom Karimov kabi buyuk sarkarda-yu davlat arboblarning hayoti va faoliyatiga juda qiziqadi. Shu bois, jahon va O'zbekiston tarixini puxta o'rganyapti.

Bu iqtidor egasining ertangi kungi maqsadlari aniq. U do'stlik, tinchlik hukm surayotgan baxtiyor Vatanda harbiy bo'lib, yurtini ko'z qorachig'iday asrashni istaydi. Biz Orzubekning orzulari ushali shiga tilakdoshmiz.

Nodira NAZAROVA

**Ko'klam
o'zgacha
fasl. Ayniq-
sa, bolalarning
varraklar ortidan
yugurayotganini
ko'rib, beixtiyor
ularga qo'shilib
zavqlanasiz.**



SAMOGA UCH, KO'KLARNI QUCH, VARRAGIM!

Osmonlarga bo'ylab, bulutlarni quchishga shaylangan varraklar esa kishida g'ayrat va shijoat uyg'otadi.

Kuni kecha O'zbekiston Respublikasi Ichki ishlar vazirligi, «Barkamol avlod» respublika bolalar texnik ijodiyot markazi hamda boshqa qator tashkilotlar hamkorligida poytaxtimizning Mirzo Ulug'bek tumanidagi 275-umumta'lim maktabida millitsiya mayori Islom Sattorov xotirasiga bag'ishlab «Varraklar sayli» bo'lib o'tdi.

Tadbirda so'z olgan Zoya opa Sattorova bugungi yoshlar uchun yaratilgan sharoitlar haqida alohida to'xtalib, kelajak ularning qo'lida ekanligini, buning uchun esa a'lo o'qish va hunar o'rganish zarurligini ta'kidladi. Shundan so'ng, o'quvchilar olib kelgan varraklarini asta-sekin osmonga uchira boshladi. Tadbir tashkilotchilari esa varrak uchirayotgan ishtirokchi o'quvchilarning qay birini g'olib deb e'lon qilishga shoshib qoldi.

«Varraklar sayli»dan Ichki ishlar vazirligi tasarrufidagi maxsus maktab-internati o'quvchilari ham olam-olam zavq oldi. Poytaxtimizning Chilonzor tumanidagi 200-umumta'lim maktabining 6-sinf o'quvchisi Muhammadziyod Jalolov yasagan varrak esa boshqa o'quvchilamidan balandroq uchdi. Shuning uchun u g'oliblar qatoridan joy oldi. Mazkur tumanda joylashgan 114-umumta'lim maktabining 8-sinf o'quvchilari Ikrom Ilhomov va Ibrohim Shorahimovlarning varragi ham Muhammadziyodnikidan qolishmadi. Agar bu musobaqani o'z ko'zingiz bilan ko'rganingizda, osmondagi jonli kamalakni qanday tovlanishini maroq bilan tomosha qilgan bo'lardingiz.

Tadbir so'ngida g'olib o'quvchilar hamkor tashkilotlarning esdalik sovg'alari bilan taqdirlandi va bir ovozdan: «Tinch va musaffo osmonimizda rangin varraklar parvoz qilaversin!» dedi.

Ozoda TURSUNBOYEVA

INGLIZ TILI BILIMDONLARI



Bahor fasli har bir inson uchun g'alaba va yutuqlar olib kelmoqda. Ayniqsa, bolajonlar bu fasldan olam-olam zavq oldilar.

Yaqinda Qoraqalpog'iston bolalari va o'smirlarining sevimli nashri «Jetkinshek» gazetasida «Young

polyglot's creation – 2017» tanlovining yakuniy taqdirlash marosimi bo'lib o'tdi. Dastavval, gazeta Bosh muharriri Abdulla Embergenov, mas'ul kotib Darixa Ubbiniazova hamda ingliz tilidagi sahifalar uchun mas'ul xodim Begis Sultamuratovlar so'zga chiqib, o'quvchilar tomonidan kelayotgan ingliz tilidagi maktublar soni ko'pligi, bolalarning ingliz tilida bemalol maqola, she'r va hikoyalar yoza olishlarini e'tirof etib, ayrim maktublardagi xato va kamchiliklar haqida ham so'zlab yuritdi.

So'ng, 2017-yil davomida gazetada e'lon qilingan ingliz tilidagi eng yaxshi maqola, she'r hamda hikoya mualliflariga faxriy yorliq va esdalik sovg'alari topshirildi.

Odilbek LATIPOV,

Qoraqalpog'iston Respublikasi, Taxiotosh tumani

Magical hands (Sehrlil qo'llar)

Read the text and open the brackets with English translation.




The (ustoz) appointed Nargiza as a flower girl who had to look after flowers in the garden. The girl took care of (gullar), watered them. The flowers began growing quickly.

(Bir kuni) Nargiza didn't come to school, she was ill. Teacher (so'radi) Gulrukh to do flowering instead of Nargiza. (Lekin) Gulrukh didn't do that. Nargiza got well soon and (qaytdi) to school. The flowers waited for her and spoke: «Have you got better? (Biz) missed you so much, water us, (iltimos)».

Nargiza asked who looked after for the flowers. «I did» (javob berdi) Gulrukh. Nargiza got acquainted with Gulrukh. She called Gulrukh to the garden and taught her how to flowering them. Gulrukh was very happy as the flowers were.

Translated by Dilyora ODILOVA,

the pupil of the school №43 in Gijduvan district Bukhara region



COMPLETE THESE CHARTS

Holiday	Date	We say
New Year	on January 1	The first of January
International Women's Day	on March 8	
Navruz		
	on May 9	The ninth of May
		The first of October
		The first of September

Subhidam SAYFULLAYEVA

WHO IS LEARNED?



1. In – Out
2. Night –
3. Tidy –...
4. Sad –...
5. Quiet –...
6. Slow –...
7. Young man-old man
8. Short day –...
9. Comfortable house –...
10. Ugly duck –...
11. Thin girl –...



Painter: Yoqubbek HALIMBEKOV

Dinora ABDULLAJONOVA

APRIL IDIOMS

Beam	To smile radiantly
Grin	To smile widely
Sneer	To smile at someone with an expression on his face that shows a lack of respect
Smirk	To smile in a smug

Read the April idioms and full fill the gaps.

1. I am so happy that my brother will visit me. I cannot stop **grinning**.
2. When we are together with my cousin we are always ...
3. He ... at me when I lost and he won first place.
4. The pupils ... at Bobur for not having final test.

Ma'mura G'ULOMOVA

MY HOUSE

YOU CAN FIND 18 WORDS RELATED HOUSE



D O O R W I N D O W
B B K T A B S O F A
A E I R E E T O L
T D T T C L O C K
H R C A I R V R A
R O H T V S E T O M
O O E C A R P E O P
O M N R R O R T M B
M R B R F R I D G E
T E L E P H O N E D

Painter: Sumbula MELIMURODOVA

Ixlosbek IBRAGIMOV,

the pupil of the school №1 in Qo'shko'pir district Kharezmi region

KAPALAK

Kapalakjon, kapalak,
Qanoting misli ipak.
Guldan gulga qo'nasan,
Gullarni xush ko'rasan.

Go'yo sen ham bog'bondek,
Gulzorni kashf etasan.
Qanotlaring silkitib,
Olislarga ketasan.

Kel, birga do'st bo'laylik,
O'ynab shodon kulaylik.
Dilga quvonch bag'ishlab,
Bog'da o'ynab kelaylik.

Go'zal HAYDAROVA,
Toshkent viloyati, Parkent
tumanidagi 45-umumta'lim
maktabining 9-sinf o'quvchisi



VAQT QADRI

Qodir Sardorga dedi:
– Qalaming kerak edi.
Berib tursang-chi bugun,
Qaytaraman kechqurun.

– Mana, qalamlarim ol,
Va yonimda biroz qol.
Dedi Sardor shart qo'yib,
Qoshi-qovog'in uyub.

– Qololmayman, ishim bor,
Vaqtim ketmasin bekor.
Qodir o'rnidan turdi,
Vaqtning qadrini bildi.

Boirjon ILYOSOV,
Toshkent shahar, Yashnobod tumanidagi
204-umumta'lim maktabining 4-«G» sinf
o'quvchisi

ANOR

Savatda turar anor,
Anorni yedi Abror,
Salgina ekan nordon,
Qaytarib otdi shu on.

TARVUZ

Polizda yotar semiz,
Ustida bor chizig'i.
So'ygandan so'ng bilinar,
Qizargani, qizig'i.

KULCHA

Zumrad pishirdi kulcha,
Shirin ekan u buncha.
Anvar kulchani yedi,
Zumradga rahmat dedi.

TULKI

Juda mug'ombir tulki,
Ayyorligi xo'p kulgi.
Sabzirang kiyimchasi,
Parrandalar o'ljasi.

Gulruh PANJIYEVA,
Qashqadaryo viloyati, Qamashi
tumanidagi 12-umumta'lim
maktabining 4-«A» sinf o'quvchisi

«NABIRAMGA MAKTUBLAR» TURKUMIDAN

(Davomi. Boshi o'tgan sonlarda)

Hayot deganlari shundayki, mening aziz nabiram,
u judayam nozik va nafis. Go'yoki salgina imo-yu
ishoralardan iboratdek.

Bir kuni maktabdan uyga hayajon bilan kirib
kelding. O'qituvching seni sinfboshi qilmoqchi
bo'пти. Eshitib xursand bo'ldim.

– E... qiyin-da, doda, – deding ikkilanib, – sinfda
shunaqangi bolalar borki... qo'rqaman... o'qituv-
chimdan o'ylab ko'rishga ruxsat so'radim.

Agarda u ayt-
gancha
bo'lgan-
da, jamoa
ikkiga
bo'linib
qolardi.
Men un-
day qil-
madim.
O'zimni

Erkin MALIK,
O'zbekiston Respublikasida
xizmat ko'rsatgan jurnalist



YAXSHIGA BIR ISHORA

Bolajonim, men bekorga «ishora» haqida so'z
ochmadim. Shu topshiriq o'qituvchingni ko'ngliga
kelibdimi, uni hayot deb atalgan xilqatning bir ishorasi
deb bil. Senda ko'pga bosh bo'lish qobiliyati borki,
o'qituvching seni tanlagan. Xalqimizda yaxshiga
bir ishora, yomonga ming qamchi degan gap bor.
Buni o'zing uchun topshiriq deb bil va uni bajarish-
ga shaylan. Ikkilanma. Ikkilansang, mas'uliyatdan
qochgan bo'lasan. Unda hayot degan mo'jiza sendan
yuz o'giradi. Oqibatda sendagi iqtidor shamdek
o'chib qoladi. Harakat qilsang, hayotning o'zi seni
qo'llab-quvvatlaydi. Ishing oldinga bosaveradi.

Bir yili menga ham kattagina jamoaga boshchilik
qilishni topshirishdi. Jamoaki, u yerda ham sen
aytgan «shunaqangi»lar bor edi. Ulardan biri jamoa
orasida meni chaparastasiga olib, orqamdan so'kibdi.
Buni o'sha xodimning o'trog'i menga kirib chaqdi. U
yangi rahbar hozir to'polonni boshlaydi, deb o'yladi.

eshitmaganga oldim. Anovi xodim bilan oldingidan
ham yaxshi muomalada bo'la boshladim. Nihoyat,
u bir kuni oldimga kirib: shunday-shunday bo'lgan
edi, meni kechiring, dedi. Men unga kulib, kim-
larning oldida nima degan bo'lsangiz, kechirimni
o'shalardan so'rang, dedim.

Sen ham jamoangdagi ba'zi narsalarni ko'rib
ko'rmaslikka, eshitib eshitmaslikka ol. Ammo
kamchiliklarni, o'zaro munosabatlarni zimdan
o'nglashning payidan bo'l. Buning uchun do'stlash
va mehr-oqibat ko'rsat. Do'stman deganga hech
kim dushmanlik qilmaydi. Mehrga hech qachon
qahr bo'lmagan. Yana shuni bilginki, ko'pga bosh
bo'lish ham bolalikdan, maktab partalaridan bosh-
lanadi, mening yetakchi bolam.

(Davomi bor)

BAHOR KELGANDA...

Bahor keldi bog'larga,
Hatto baland tog'larga.
Quyosh nurlari tushdi,
Haydab yubordik qishni.

Qir-adiroda lolalar,
Misli quvnoq bolalar.
Chor-atrofni gilamdek,
Bezab ko'ngilini olar...

Biz ham shunday chog'larda,
Sayr etamiz bog'larda.
Ko'k sari uchar varrak,
Buvim qilar sumalak.

Muxlisa QO'CHQORBOYEVA,
Samarqand viloyati, Payariq
tumanidagi 97-umumta'lim
maktabining 4-«B» sinf o'quvchisi



TINCH GO'SHAM

Oy, quyosh nur sochar osmonlaringga,
Ta'riflar sig'maydi dostonlaringga.
Ta'zim qo'riqlagan posbonlaringga,
Ko'nglimning parchasi, tinch go'sham Vatan!

Momolaring qo'li mudom duoda,
Qizlarning ibosi tengsiz hayoda.
Sendayin Vatan bor yana qay yerda?
Yulduzlarim ichra Zuhro'sman, Vatan!

Bobolardan qolgan bir ulug' hikmat,
Xalqqa xizmat qilsang toparsan izzat.
Bizni ulg'aytirgan tuproqqa rahmat,
Mening uchun eng aziz go'shamsan, Vatan!

Barchaning yuzida baxtning ziyosi,
Zaminda jaranglar tinchlik sadosi.
Vatanim, ta'rifi yo'qdir adosi,
Buyuksan, suyuksan, onamsan, Vatan!

Asila OLIMJONOVA,
Farg'ona viloyati, Beshariq tumanidagi
40-umumta'lim maktabining 6-«A» sinf
o'quvchisi

Bir bor ekan, bir yo'q ekan.
Qishloq chetida katta o'rmon bor
ekan. Kunlarning birida qo'zichoq
o'tlab yurib, onasini yo'qotib
qo'yibdi. U yaqin-uzoq qidiribdi,
lekin topolmay, rosa ko'z yosh
qilibdi. Uning ovozi eshitgan
bo'ri qo'zichoqning oldiga kelibdi.
Qo'zichoq qo'rqqanidan battarroq
yig'labdi. Shunda bo'ri:

– Hoy, yig'lama, men senga
tegmayman, aksincha, yordam
beraman, – debdi.
– Sen axir
bo'risan-ku, meni

lanibdi. Nihoyat, bir joyda ona
qo'yni ma'raganini eshitib,
o'sha tarafga yugurishibdi. Ona
qo'y ularni ko'rib, qo'rqib ketibdi.
Shunda qo'zichoq, «O'yijon, bu
bo'ri bizga yaxshilik qilmoqchi, yo-
mon niyati yo'q, xavotirlanmang»,
debdi. Ona qo'y tinchlanib, ularga,
«Bu yoqqa kelinglar», deya im-
labdi. Bo'ri va qo'zichoq yugurib
borsa, bir chuqurlikda nimadir
ingrab yotgan emish. Ona qo'y
bo'riga qarab:
– Balki bu
bo'rivachcha



MEHR

(Ertak)

yeb qo'yishdand
qo'rqayman, –
debdi qo'zichoq ovozi
qaltirab.

– Seni nimangni yeyman,
qoqsuyak bo'lsang. Qolaversa,
bugun yaxshilik qilmoqchiman.
Zora qilgan yaxshiligimdan men
ham yo'qotib qo'ygan bolamni
topsam, – debdi bo'ri.

– Nima, sen ham bolang-
ni yo'qotdingmi? – so'rabdi
qo'zichoq.

Bo'ri og'ir xo'rsinib, shunday
debdi:

– Ha, bechora bolam hozir
qayerlarda ekan? Har kuni uni
sog'inib yig'layman. Seni onang
ham xuddi menga o'xshab yig'lab
yurgandir, yur, ularni topaylik.

Qo'zichoq unga ilojisiz er-
gashibdi. Bir-biriga rahmi kelgan
ikki hamroh o'rmonni uzoq ay-

senga tanishdir?! – debdi. Bo'ri
qarasa, chuqurlikda yotgan o'z
bolasi ekan. Ular uchovlashib
bo'ri bolasini chuqurlikdan tortib
olishibdi. Bir-birlari bilan topishib
olgan ona-bolalar rosa xursand
bo'lishibdi. Shunda ona bo'ri:

– Qara, senga yaxshilik qila-
man, deb aslida o'zinga yaxshilik
qilgan ekanman, – debdi.

Ha, mehming kuchi shunaqa,
hatto yirtqichlarning ko'nglini
ham yumshatadi. Rahmat senga
yaxshilik, rahmat sizga yaxshilar.

Madina UMRZOQOVA,
Toshkent shahar, Yakkasaroy
tumanidagi 91-umumta'lim
maktabining 7-«V» sinf
o'quvchisi

TAYYORGARLIK AVJIDA

**Xabarimiz bor, joriy yil
Xitoyda futbol bo'yicha yoshlar
o'rtasida o'tkazilgan Osiyo chempiona-
tida umidli charmtop ustalarimiz uzoq
kutilgan chempionlikni qo'lga kiritib,
o'zbek futbol muxlislariga bir olam
quvonch ulashgan edi.**



Ayni paytda Ravshan Haydarov boshchiligidagi terma jamoa a'zolari oldindagi nufuzli musobaqa – Osiyo o'yinlariga jiddiy hozirlik ko'rmoqda. O'FA tomonidan futbolchilarimizga munosib raqiblar tanlanib, o'rtoqlik uchrashuvlari tashkil etilmoqda.

Yaqinda Andijon va Farg'ona shaharlarida O'zbekiston va Keniya yoshlar terma jamoalari o'rtasida ikkita o'rtoqlik uchrashuvi tashkil etildi. Andijondagi ilk bahsda raqiblarimiz vakillarimizga qaraganda ancha ishonchli o'yin o'tkazib, yakunda 2:1 hisobidagi g'alabani tantana qildi. Ushbu o'yindan to'g'ri xulosa chiqargan Ravshan

Haydarov shogirdlari Farg'onadagi qarama-qarshilikda ancha mazmunli to'p surdi. «Istiqloq» stadionida kechgan murosasiz bahsning asosiy vaqtida hisob ochilmadi. Nihoyat uchrashuvning 97-daqiqasida mohir himoyachimiz Doston Tursunov raqib darvozasini ishg'ol qilib, terma jamoamizning 1:0 hisobidagi g'alabasini ta'minladi.

**Boks bo'yicha qanday xalqaro musobaqa
o'tkazilmasin, o'zbek charmqo'lqop ustalari
doimo g'oliblar safida e'tirof etiladi.
Vakillarimizning murosasiz janglarini dunyo boks
ixlosmandlari katta qiziqish bilan tomosha qiladi.**

BOKSCHILARGA ISHONAMIZ



Joriy yil 19–28-aprel kunlari Tailandning Bangkok shahrida 2000–2001-yillarda tug'ilgan yoshlar o'rtasida boks bo'yicha Osiyo chempionati bo'lib o'tadi.

So'nggi ma'lumotlarga qaraganda, Osiyo boks konfederatsiyasi tomonidan tashkil etiladigan qit'a chempionatida o'ttirdan ziyod mamlakatdan 200 nafardan ortiq sportchi o'z omadini sinovdan o'tkazadi. Quvonarlisi, turnirda yurtimiz bokschilari ham to'liq tarkib bilan ishtirok etishi rejalashtirilgan. Tarkibdan esa Halimbek Utegenov, Jahongir Rahmonov, Navo Tamazov, Jamshid Xudoyberganov kabi bir necha xalqaro musobaqalar g'oliblari o'rin olgan. Shuningdek, qizlar o'rtasidagi bahslarda Xursandoy Xolmatova, Maftuna Fayzullayeva, Nasiba Xayrullayeva kabi yosh iqtidor egalari ona Vatan sharafiga himoya qiladi.

Ayni kunlarda atletlarimiz tayyorgarlikka zo'r bergan. Biz esa bokschilarimizga nufuzli musobaqada yurtimiz bayrog'ini baland ko'tarishlarini tilaymiz.

Sa'dullo TURSINOV

NAVRO'Z MARAFONI – 2018

**«Navro'z» umumxalq bayrami munosabati bilan
Qoraqalpog'iston Respublikasi, viloyatlar va Toshkent
shahri markaziy ko'chalarida «Sport xalqning o'ziga
ishonchini oshiruvchi, jipslashtiruvchi jabhadir, uning o'zi
emas, albatta, undagi g'alabalar millatni g'ururlantiradi»
shiori ostida yoshlarning «Navro'z marafoni – 2018»
musobaqalari o'tkazildi.**



Maxsus tashkil etilgan www.marafon.yi.uz veb-sayti orqali marafonda ishtirok etish istagini bildirgan 5,2 mingdan ortiq yoshlar onlayn ro'yxatdan o'tdi.

Bellashuvlarda 16–30 yosh toifasidagi uyushmagan yoshlar, ta'lim muassasalari o'quvchi-talabalari, imkoniyati cheklangan bolalar hamda huquqni muhozafa qiluvchi organ xodimlari va harbiy qismlardagi yoshlar ishtirok etdi.

Mazkur ommaviy musobaqada O'zbekistondagi 4 ta elchixona va 2 ta xalqaro tashkilot xodimlari ham oila a'zolari bilan birga qatnashdi.

Yakunda 1-, 2- va 3-o'rinni egallagan g'olib ishtirokchilar medal, diplom va esdalik sovg'alari bilan taqdirlandi.

Nurbek QIDIRALIYEV

**Sport – go'zallik, yoshlik va navqironlik ramzi.
U bilan shug'ullangan insonning nafaqat tani,
balki ma'naviy olami, ruhiyati ham sog'lom
bo'ladi.**

«MAHORAT MAKTABI»DA...

Buxoro viloyati, Romitan tumanidagi 35-umumta'lim maktabida ham bu borada amalga oshirilayotgan ishlar tahsinga loyiq. Quvonarlisi, ushbu ta'lim maskani tumanda «Mahorat maktabi» sifatida e'tirof etiladi. Yaqinda maktabda «Jismoniy tarbiya darslarida sinfdan tashqari mashg'ulotlarni tashkil etish ish tajribasidan» mavzusida amaliy seminar tashkil etildi.

Tadbir kuni o'quvchilarning sport sohasida qo'lga kiritgan «Yutuqlar burchagi» tashkil etildi, maktab hayotiga oid slaydlar tayyorlandi. Seminar ishtirokchilari esa muassasada tashkil etilgan to'garaklar ishi bilan yaqindan tanishdi. Mehmonlarga, ayniqsa, D. Hamidovanning shaxmat, Sh. Shodiyevanning shashka, B. Fayzullayevning voleybol to'garaklari faoliyati ma'qul bo'ldi. Tadbir davomida tashkillashtirilgan «Keling, bellashaylik!» viktorina o'yini kechaga o'zgacha shukuh bag'ishladi. Ayniqsa, «Sport va bizning imkoniyatlarimiz», «Onlayn tizimidagi testlarni bajarish», «Jahonga yuz tutgan sportchilarimiz» kabi chiqishlar yig'ilganlarda katta taassurot qoldirdi.

Tadbir tashkilotchisi, jismoniy tarbiya fani o'qituvchisi B. Fayzullayevning ish tajribasi yuksak baholanib, viloyat miqyosida ommalashtiriladigan bo'ldi.

Muhammadsodiq ALIMOV



1-APREL – XALQARO QUSHLAR KUNI

QUSHLARGA

Qushlar, hoy qushchalar,
Balandlarga uchasis.
Ko'ngillar xushnud bo'lsin,
Ko'k bag'rini quchasiz.

Siz tabiat bezagi,
Go'zallikka hamohang.
Dillarni maftun etar,
Sayrashingiz zo'r ohang.

Behruz XOLBO'TAYEV,
Qashqadaryo viloyati,
Chiroqchi tumanidagi
13-umumta'lim maktabining
6-sinf o'quvchisi



LATLAK

Eshitlar sas lak-lak,
Uchib kelibdi laylak.

Beozor qushdir bular,
Tinchlik elchisi ular.

Hech sog'inmas yomonlik,
Xalqqa tilar omonlik.

Hozirgi tinch zamonda,
Keng musaffo osmonda.

Parvoz etgin xotirjam,
Tinch oila jamuljam.

Eshitlar sas lak-lak,
Uchib kelibdi laylak.

Azamat SUYUNOV



Chumchuq

Sodiqjon SAYDALIYEV,
Toshkent viloyati,
Ohangaron tumanidagi
1-umumta'lim maktabining
2-«G» sinf o'quvchisi



**Dam olish kunlari buvijonimni ko'rgani
bordik. Ular Toshkent viloyatining Yuqori
Chirchiq tumanida yashaydi.**

YANGI KITOB DO'KONI



Bayram bahona diydorlashishga
yig'ilgan qarindoshlarimiz tufayli hovli
to'yxonaga aylandi. Tog'am oshga
unnab yubordi. Biz qizlar hovli etagida
o'sib yotgan ismaloqlarni terib, ko'k
somsa yopdik. Bir zumda atrofni
tandirda qizarib pishayotgan ko'k
somsalarning isi tutib ketdi. Hamma
jamuljam bo'lib tushlik qilgach, jiyanim
Shohsanam tumanda yangi kitob do'koni
ochilganini aytib qoldi. Kattalardan izn so'rab,
darhol manzil tomon shoshildik.

Kitob do'koni yosh-u qari bilan gavjum edi.
Hamma o'ziga ma'qul kitobni tanlash bilan ovora.
Jahon adabiyoti durdonalari, ertak kitoblar, o'zbek
yozuvchi va shoirlarining sara asarlari taxlan-
gan peshtaxtalarni aylanarkanmiz, kitoblarning
xilma-xilligini ko'rib, ko'zimiz quvonardi. Ayniq-
sa, yaqinda bu yerda «Elektron kutubxona» va
kompyuter xonalari ham ochilishini eshitib, rosa
sevindik. Endi buvimlarnikiga borganda nafaqat
ularni ziyorat qilaman, balki yangi kitoblardan ham
bahramand bo'laman.

Odina SAHOBIDDIN qizi


BO'SH O'TIRMAY, BOSH QOTIR!

Shakl markazi tomon yo'ylar bo'yicha:

1. Fantastik asarlar muallifi Hojiakbar ...
2. Xalq latifalarining azaliy qahramoni.
3. O'zbek satirik shoiri, «Hapalak» she'ri muallifi.
4. Asl ismi Boborahim bo'lgan o'zbek g'azalnavis shoiri.
5. Atoqli o'zbek shoiri.
6. Nasriy asar janri.
7. Oybek qalamiga mansub qissa: «Bola ...».
8. Kulgili voqealar haqidagi kichik hikoya.
9. G'afur G'ulomning «Yodgor» qissasi qahramoni.
10. To'rt misrali nazmiy asar.
11. Nomaning yana bir atamasi.
12. Fransuz yozuvchisi Aleksandr Dyuva qalamiga mansub «Uch mushketyor» sarguzasht romani qahramoni.
13. O'lmas Umarbekov romani: «... va Zuhra».
14. O'tmishda husnixat yozuvchi.
15. Atoqli adib yozib qoldirgan birinchi o'zbek romanining bosh qahramonlaridan biri.
16. Taniqli adib Sharof Rashidovning lirik qissasi: «... qo'shig'i».
17. Atoqli ma'rifatparvar Abdulla Avloniy yozib qoldirgan dramatik asar: «Advokat bo'lish ...?».
18. O'zbek bolalar shoiri: ... Hikmat.
19. Qadimgi yunon shoiri Gomeriga mansub dostonlardan biri.
20. Ingliz adibasi «So'na» romani muallifi.
21. Amir Temur hikmatlari: «Adovat emas ... yengadi».
22. Taniqli adib Shuhratning «Oltin zanglamas» romani qahramoni.
23. XX asr o'zbek shoiri va tarixchisi.

Javoblardan aynalalardagi harflardan ibratli so'z ayon bo'ladi.

Tuzuvchi: Foziljon ORIPOV



8

2-aprel 2018

Tong yulduzi

Muassis:
O'zbekiston Respublikasi
Xalq ta'limi vazirligi

Bosh muharrir
Feruza ADILOVA

Gazeta O'zbekiston
Matbuot va axborot
agentligida
0208-raqam bilan 2007-yil
2-fevralda ro'yxatdan
o'tgan.

TAHRIR HAY'ATI:
Qahramon QURONBOYEV,
Dilshod KENJAYEV,
Alisher SA'DULLAYEV,
Laziz TANGRIYEV,
Murtazo SULTONOV,
Feruza JALLOVA,
Ashurali JO'RAYEV
(Bosh muharrir o'rinbosari),
Feruza MATYOQUBOV
(mas'ul kotib)

Navbatchi muharrir
Nodira NAZAROVA

Rassom
Feruza KAMOL o'g'li

Sahifalovchi-dizayner
Shaxobiddin
MAXMADIYEV

«O'zbekiston» NMIU
bosmaxonasida chop etildi.
Manzillimiz va bosmaxona
manzili:
Toshkent shahri,
Navoiy ko'chasi, 30-uy.
Indeks: 100011.
Obuna indeksi: 198.
e-mail: info@tongyulduzi.uz
www.tongyulduzi.uz
Adadi – 67 000
Buyurtma – V 1363

Tahririyatga kelgan barcha
qo'lyozmalar tahrir qilina-
di, mualliflarga qaytaril-
maydi.
Shakli A-3, 2 bosma taboq.
Bahosi kelishilgan narxda.
Gazeta haftaning dushan-
ba kuni chop etiladi.
Topshirish vaqti – 18:00
Topshirildi – 18:00
Tel. /faks:
(99871) 244-63-08